

黄仁生 罗建伦 校点

唐宋人寓湘诗文集

二

湖湘文库编辑出版委员会
岳麓书社



国家出版基金项目

NATIONAL PUBLICATION FOUNDATION

卷十八

成彦雄

成彦雄，字文干。南唐进士。著有《梅岭集》五卷，已佚。《全唐诗》存诗二卷。

煎茶

岳寺春深睡起时，虎跑泉畔思迟迟。蜀茶倩个云僧碾，自拾枯松三四枝。^①

819

可朋

可朋（约896—963），眉州（今四川眉山市）丹棱县城东人，唐末五代诗僧。与入仕诗人卢延让、欧阳炯、隐士方干、诗僧齐己、贯休为诗友交，应酬唱和。有《玉垒集》十卷，已佚，《全唐诗》存诗四首。

赋洞庭

周极八百里，凝眸望则劳。水涵天影阔，山拔地形高。贾客停非久，渔翁转几遭。飒然风起处，又是鼓波涛。

^①辑自《全唐诗》卷七五九。

赠方干

盛名传出自皇州，一举参差便缩头。月里岂无攀桂分，湖中刚爱钓鱼休。童偷诗稿呈邻叟，客乞书题谒郡侯。独泛短舟何限景，波涛西接洞庭秋。

中秋月

登楼仍喜此宵晴，圆魄才观思便清。海面乍浮犹隐映，天心高挂最分明。片云想有神仙出，回野应无鬼魅形。曾向洞庭湖上看，君山半雾水初平。^①

虚中

虚中，袁州（今属江西）人，晚唐僧。少脱俗从佛，仍读书工吟不缀。居玉笥山二十寒暑，后来游潇湘，与齐己、顾栖蟾、沈彬等为诗友。住湘西宗城寺。有《碧云集》一卷，传于世。

泊洞庭

槐柳未知秋，依依馆驿头。客心俱念远，时雨自相留。浪没货鱼市，帆高卖酒楼。夜来思展转，故里在南州。^②

栖蟾

栖蟾，居屏风岩。与沈彬为诗友。《全唐诗》存诗十二首。

①可朋诗辑自《全唐诗》卷八四九。

②虚中诗辑自《全唐诗》卷八四八。

居南岳怀沈彬

石房开竹扉，茗外独支颐。万木还无叶，百年能几时。隔云闻欬过，截雨见虹垂。因忆岳南客，晏眠吟好诗。

赠南岳玄泰布衲

曹溪入室人，终老甚难群。四十余年内，青山与白云。松和巢鹤看，果共野猿分。海外僧来说，名高自小闻。

南中怀友生

荔枝江上立，望北几思量。隔海无书札，前年在汉阳。瘴村人起早，铜柱象揩光。居此成何事，寻君过碧湘。^①

马希振

马希振，原籍许州鄢陵（今河南鄢陵）。马殷长子，马光惠之父，历官武顺节度使、鼎州节度使等职，因身为长子未能继承王位而出家为道士。

与何致雍僧贯徽联句

青蛇每用腰为力。希振红苋时将叶作花。贯徽。蚊子子衔虫子子。希振猫儿儿捉雀儿儿。致雍。^②

①栖蟾诗辑自《全唐诗》卷八四八。

②辑自《诗话总龟》增修卷三。

马希广

马希广（？—950），字德丕。五代十国时期南楚君主。楚王马殷第三十五子。马希范一母同胞之弟。马希范死，即权理湖南军府事宜。后汉拜封希广天策上将军、武安军节度使、江南诸道统兼中书令、封楚王。950年，其兄马希萼攻陷长沙，将其赐死。

请发兵击朗州奏

臣当道去九月内，量发兵士往朗州，招安户民。不料偶失威严，遂中奸便，须谋补卒，爰议班师。朗州自闻当道抽退已来，狂谋益甚。又探得荆南继差人下淮南，与广州三处结构。荆南欲取澧、朗州，广南攻桂州，淮南欲取湖南。兼即日淮南支鄂州管内租税，衷私令荆南供给朗州。且如山结连，可知事势。其朗州已入附于淮甸，又纳款于荆南，兴破家亡国之心，作瓜剖豆分之势。兼诱草贼，烧却近封，顾基扃而危若缀旒，视黎庶而困于涂地。弦衰柱促，言发涕流。伏乞圣慈，念以臣四世勤王，三面受敌，欲兴师旅，动碍寇讎。望特降丝纶，聊差貔虎。亦知朝廷北面托落，分兵处多，故不敢大段挠于兵力，只乞差借许蔡乡军三五千人，马一千骑，内得王师二千来人，夹带南渡，只到澧州屯驻，以断淮南与荆南援助之路。不劳血刃，只仗朝廷，则当道出兵，不难克复。安危系虑，翰墨难穷。庶回雷电之光，以收荡平之捷。谨差押衙焦文谏驰奏，披沥以闻。^①

^①辑自《全唐文》卷一二九。

马希萼

马希萼，五代十国时期南楚君主。楚王马殷第三十子。马希广袭位后，他起兵争王位，攻陷长沙，杀掉希广。951年，南唐拜希萼天策上将军、武安、武平等军节度使兼中书令，封楚王。徐威等将领兵变，拥护马希崇为武安留后，囚禁马希萼于衡山县。马希萼抵衡山后，复被彭师曷等拥护称衡山王。不久，南楚为南唐所灭，马希萼迁往金陵，被南唐任命为江南西道观察使，镇守洪州，赐爵楚王。

上南唐元宗乞师表

823

昔先王早以勋业，基有楚国，不幸即世，顾命之夕，显令兄弟，以天伦绍立，庶奉宗庙，获享国祚。无何，嗣君不延永命，奄弃社稷，讣告至日，臣不胜痛切肤骨，血泣颐睫，即时奔走哀庭，冀处苦块，用竭臣子之孝。不图天未殄祸，孽竖构隙，间离我戚属，汨乱先序，潜阻兵戈，将谋剿绝，苟不更图，殒在朝夕。故臣敢远遣行价，殚布腹心，惟君存先王之昔好，轸大国之武威，许出兵援，以附不腆，庶俾盗党，免弄凶器。^①

刘言

刘言（？—953），吉州庐陵（今江西吉安）人，五代时期曾任武平节度使。本为吉州刺史彭玕的属下，后随彭玕投奔南楚，为辰州刺史。南楚马氏内斗，时马希萼立，刘言被拥戴为武平军留后。广顺二

^①辑自《五代史记注》卷六二，道光八年刻本。

年（952），刘言遣王逵、周行逢等人收复南楚马氏在南岭以北的故地。广顺三年（953），刘言被后周任命为检校太师、同平章事、朗州大都督，充武平节度使，制置武安、静江等军事。同年稍后，刘言被其部下王逵杀害。

收复湖湘表

臣闻域中至大，须归正统之君。海内称尊，合奉真明之主。事既缘其道阻，机且务于从权。关河之信使不通，戎镇之笺章未达。实为睽越，罪属稽留。臣前年以马氏弟兄，交相鱼肉，是希崇之失御，致边镐之侵疆。当道节度使马光惠，早副群情，方施庶政，遽多耽惑，将乱纪纲。三军商量，乃行废黜。臣谬居上将，忽被众推。寻且奉表东吴，所冀且安西土。不谓湖南节度使边镐，多行间谍，尝畜阴谋。致半年未降于新恩，而中使遽来于急诏，而又纵横肆意，说诱五溪。暗行文书，广赏金帛。将谋会合，欲举攻状。臣请节度副使王进逵、行军司马何敬真、别差指挥使周行逢、朱全琇、张仿等，虑其奸计，恐致危亡。乃举兵师，去平凶寇。自十月三日水陆发兵，顺水至五日收下沅江；九日又下益阳；十四日克复湖南越池。边镐见其危迫，陆路奔逃。见发奇兵，掩后追逐。料行狼狈，必恐收擒。臣素昧兵铃，曾无将略。幸处军中之长，叨司阃外之权。念臣节以徒坚，望尧阶而尚琮。既复潇湘之土宇，永依日月之照临。幸成破竹之功，敢慢倾葵之恳。且驰单介，径达皇都。谨差节度押牙张崇嗣奉表以闻。

收复湖湘状

当道去年，以湖南马希萼弟兄伤蹇家国，陵夷淮南，差边镐潜入长沙，便为据守。扶风一族，楚水万家，并押送东吴，固无

留者。当道有兵士二千来众，亦被括将。累乞放回，意未允许。今春前节度使马光惠，耽荒稍甚，僭侈非常。三军商量，乃行废黜。臣以位居箠贰，众意推崇，辞让既难，藩方无主。此际以马光惠早归东国，累降颁宣。臣等例奉甄升，未遑回变。方思述职，邻道可明。不谓湖南，频行间斗。彼众将行讨伐，当军须举兵师。冀先定于熊湘，复归明于象阙。东吴早以臣权知戎阃，未降明恩。寻有急征，并令归国。其边镐唯怀诡诈，多畜奸谋。况五溪入州，是武陵管属。边镐暗资金帛，密与钩连。计料加兵，欲谋攻逼。于界首益阳县下砦，聚食屯师，自谓士卒精强，壕堑牢固。当道节度副使王进逵、行军司马何敬真、指挥使周行逢、朱全琇、蒲公益等，去十月三日部署大齐云截波鱼龙战楫等三百余艘，计三万人，并陆路指挥使张仿、董从德等押马步兵士二万余人，同日进发。五日收下沅江县，获贼都监刘承遇。其贼将李师德等五百余人，并束甲归降。至九日到益阳寨，贼众一万余人，坚守抵捍。攻击自辰至未，其砦自溃。杀戮八千余人，捉得都指挥使夏昌，活擒八百余人。至十一日，桥口、湘阴数处，相次归降。至十三日，当军水陆俱上，经长沙城下。边镐见其兵势，不敢拒张，当夜取东路奔逃。至十四日，进逵、敬真差发五千余人追袭。除镐先次奔窜外，掩杀贼众五百余人。即日进逵、敬真入湖南城，安抚军民讫。其东吴岳州刺史宋德权，尚倚孤垒，亦聚强兵。探知搬下舟船，亦无斗志。十月十八日，差指挥使蒲公益押战船五十只、兵士三千人，到岳州城下。其宋德权即时焚城而窜。便令蒲公益权主岳州，招抚生众。其潭州、上江诸郡邑，见差守宰抚安。^①

^①刘言文辑自《全唐文》卷八五七。

彭士愁

彭士愁（903—956），一作燃，唐末五代时人。生于庐陵（今江西吉水），长于湘西，袭父职任溪州刺史。五代十国时溪州割据政权的首领和湘西土司制度的缔造者。溪州之战爆发后向楚国请降，双方在永顺会溪坪铸立溪州铜柱，彭士愁与楚划江而治，誓文即作于此时。

溪州誓文

右：据状，溪州静边都，自古已来无违背，天福四年九月，蒙王庭发军收讨不顺之人，当都头将本营诸团百姓军人，及祖父本分田场土产，归明王化。当州大乡，三亭两县，苦无税课，归顺之后，请祇旧额供输。不许管界团保军人百姓，乱入诸军四界，劫掠，并盗逃去户人。凡是王庭差纲，收买溪货，并都幕采伐土产，不许辄有庇占。其五姓主首，州县职掌有罪，本州申上科惩。如别无罪名，请不降官军攻讨。若有违誓约，甘请准前差发大军诛伐。一心归顺王化，永事明庭。上对三十三天，下将宣祇为证者。^①

孙晟

孙晟（？—956），初名凤，又名忌，密州（今山东诸城）人。尝谒唐庄宗于镇州，庄宗以为著作佐郎。天成中（928）左右，奔于吴，

^①辑自《全唐文》卷八九三。

李昇父子用之为相。周世宗征淮，璟惧，遣晟等奉表求和。世宗召问江南事，不对，杀之。璟闻，赠鲁国公。谥“文忠”。著有文集三卷，《文献通考》传于世。

岳州灵竹寺碑

潇湘翠浪，岷峨碧流。枝连五溪，鱼贯万派。^①

石文德

石文德（904—990），广东连县（今广东连州市）人。后晋天福三年（938）楚王授水部员外郎，后因直谏被贬，充融州（今广西融县）副使。后辞官回到家乡沙坊隐居。有《大唐新纂》十三卷传世。

827

上马希范书

殿下承父兄之业，抚有南土。储给国用，爰恤黔黎，惟日不足。近闻土木日兴，兵戈日寻，非所以保国交邻之道也。夫农为民本，食乃民天，今广取皮革，牛困户空，耕氓逃窜，转为寇盗。臣不谓可，一也；外帑之储，费于淫巧。养兵之食，耗于工匠。或有变虞，将何以赖？臣不谓可，二也；诸侯五庙，古今所同。七庙并营，恐非猷典。臣不谓可，三也；巨木售于异邦，使者恣为奸利，陆转水运，顾募尤难，一木之费，至逾巨万，道路嗷嗷，恐藏不测。臣不谓可，四也；武穆王之世，四邻不耸，九府流通。犹且节用服食，以贍军国。今沉檀以雕柱栋，文绣以衣垣宇，仓廩无复红腐，闾阎尽夫赤仄。广孝继先，似不如是。臣不谓可，

^①辑自《舆地纪胜》卷六九。

五也；虎祁宫成，诸侯叛之。桓宫刻楹，春秋刺焉。今荆粤闻我篱藩，吴会侦我西北。费用疲民，何以御敌？臣不谓可，六也。臣受殿下厚渥，出竿门而登广厦，脱布褐而簪青紫。捐躯报德，自料无繇，昧死尽言，惟大王思至计以惠社稷。^①

范质

范质（911—964），字文素，大名宗城（今河北威县）范家营人。后唐长兴四年登进士第。历经后梁、后唐、后晋、后汉、后周、北宋六朝，五朝为官，两朝为相。入宋仍为宰相，封鲁国公。一生坎坷，充满传奇，有清廉戒奢之名，为一代名臣。著有《范鲁公集》三十卷、又著《五代通录》六十五卷、《陷蕃记》四卷等。均佚。《全唐诗补编·补逸》存诗一首，《全唐诗补编·续拾》补诗一首，《全宋诗》存诗二首，《全唐文》收文二篇，《全宋文》另增十一篇。

岳阳楼诗

烟容云态四溟蒙，州在波涛汹涌东。地收楚蜀西南水，天与江湖旦暮风。可笑祖龙游不得，欲于何处访蓬莱。^②

李征古

李征古，袁州宜春（今属江西）人。南唐升元末举进士第。官至枢密副使，与宋齐丘、陈觉、冯延巳等结为一党。南唐中兴元年

①辑自《广州人物传》卷四，清岭南遗书本。

②辑自《舆地纪胜》卷六九《岳州》。原无题目，此依《全唐诗续拾》。

(958)，李璟下诏，历数宋齐丘、陈觉、李征古之罪，受陈觉牵连，后赐死。

登祝融峰

欲上祝融峰，先登古石桥。凿开巖嶮处，取路到丹霄。^①

苏德祥

苏德祥，青州（今山东益州）人，建隆四年（963）状元。工诗文，官至右补阙，内供奉。

829

赠南岳宣义大师英公

学就书闻在道林，几年辛苦用身心。九霄雨露酬知早，百首风骚立意深。青白野云闲里卧，古今碑碣醉中寻。因何负此多般艺，可惜教师鬓雪侵。^②

倪少通

倪少通（？—990），字子明，南岳道士。五代宋初人，先世千乘（今山东省高青县）人，唐末避战乱，徙居巴陵（今湖南岳阳）。少通以清心苦节闻于朝，赐所居处兴建太观。诏为本州道正，知太一观事。淳化元年（990）秋八月卒。时年九十一。

①辑自《吟窗杂录》卷二九，中华书局1997年版。

②辑自《宋诗纪事》卷二，上海古籍出版社1983年排印本。

玉清广福观碑铭并序

玉清观者，法玉清圣境而名。自吴及梁，相续重兴。汉文帝之稷，苏真人耽自郴阳上升，众仙迎往元辰，曾游斯地。吴大帝之代，葛仙翁元在句容受道，炼丹于涌泉，亦经于此。不独实录，具在仙籍，左右灵踪，古今不泯。赤松山畔，曾闻叱石之羊；王乔岭前，昔现飞凫之履。乡邻白鹤，有傅翁得道之岩；境接赤乌，即施君住宅之址。社连金阙，洞秀玉华，草木长春，烟云迥秀。黄精遍野，白术盈川。（阙）监临杨元德、门人王太清，心营半载，箕敛万缗。山现良材，地呈贞础，林麓听丁丁之响，庭除观矻矻之功，法天上之皇都，布凡间之紫府。（阙）铭曰：

观本无名，古仙像成。会朝金阙，遂法玉清。宝殿缔构，祥云送迎。元功福荫，普寿函生。玉清圣化，栖隐名贤。诱彼英信，构兹良缘。福流旷劫，功逮幽元。解释罗酆，神登九天。栖神之乡，邻有冲阳。其道不宰，载之无疆。洞馨兰菊，林翥鸾凰。表瑞旌祥，福资圣唐。仰观洞府，灵路稀有。荡涤妖氛，资崇禄寿。太清太虚，建功不朽。名载碑珉，天长地久。^①

廖匡图

廖匡图（952—1003），字赞禹。虔州（今江西）人。五代十国楚诗人。湖南马氏辟幕下刘昭禹等人并为“天策府十八学士”。他与刘昭禹、李宏皋、齐己等互相唱和。《新唐书·艺文志四》著录其《廖氏家集》一卷，《直斋书录解題》录有诗集一卷，皆佚。《全唐诗》

^①辑自《全唐文》卷九二八。

存诗四首，《全唐诗续拾》补诗一首。

九日陪董内召登高

祝融峰下逢嘉节，相对那能不怆神。烟里共寻幽涧菊，樽前俱是异乡人。遥山带日应连越，孤雁来时想别秦。自古登高尽惆怅，茱萸休笑泪盈巾。

寄黄损

庄周指我悟荣生，买得衡山十里青。却许野禽栖竹径，不教凡客扣柴扃。横琴独坐泉围石，倚棹长吟月满汀。珍重零陵旧知己，菱花时把照星星。

831

永州江干感兴

正悲世上事无限，细看水中尘更多。^①

陈少微

陈少微，字子明，世称衡岳真人。

大洞炼真宝经修伏灵砂妙诀序

余自天元之初，从衡岳游于黄龙，止于宾府，忽于岩穴之中，遇至真之人，授余灵砂要诀，至人曰：吾自得于许仙君之后，仙君受诀于吴天师，天师本受于同郡丁真人所出也，假如丹砂之本诀，玄、理深奥，固难思寻，遂求好道之流，志慕神倦之侣，不

^①辑自《全唐诗》卷七四〇；《诗话总龟》增修卷二八。

究竟其真原，长沉沦于尘俗，自上古仙经文，皆幽密隐蔽藏言，不流传于世，余常愍然，今述为灵砂七返七篇，及金丹至诀二章，并为序论，以示后人同志之士者也。

灵砂七返论曰：丹砂者，太阳之至精，金火之正体也。通于八石，应二十四气。丹者是金，感于火，名之为丹。汞者是火，去于金，而名之为汞。丹者受阳精而候足，汞即离本质而体不全，故丹砂是金火之精，而结成形，含玄元澄正之真气也。此是还丹之基本，大药之根原，德含则万象生焉，体离而杳冥难测，经曰：阳精赫赫，得之可以还魂反魄，故知饵阳精者，所以长生，服阴魄者，而为死鬼。丹砂是正阳之主，赤帝之君，据于南方，火之正位也。只如丹砂之体数种，受气不同，唯三种堪为至药，上者光明砂，中者白马牙砂，下者紫灵砂，余有溪土杂类之砂，不中入至药，服饵所用，且光明砂一两，服之力敌白马牙砂四两，白马牙砂一两，服之力敌紫灵砂八两，如溪砂土砂之力，不可比量也。或曰：一等是丹砂，俱受太阳之精气，因何有溪土杂类之砂，力有大小者。言光明砂者，受太阳清通澄朗正真之精气，降结而红光曜曜，名曰光明砂。白马牙砂者，受太阳平和柔顺之精气，降结而白光璨璨，如云母色者，名曰白马牙砂。紫灵砂者，半受山泽之灵气，结而色红紫，名曰紫灵砂。如溪土杂类之砂，俱受浊滞不真之气，结而成砂，即混沌无精光，故不中入至药所用。且如光明砂一斤，伏炼而得十四两，伏火鼓得至宝七两。白马牙砂一斤，伏炼而得十二两，伏火鼓得至宝六两。紫灵砂一斤，伏炼而得十两，伏火鼓得至宝四两。溪砂土砂杂色之砂一斤，伏炼可得六七两，伏火鼓下得至宝一二两。以来明知溪土之砂，受气不清，澄浊参杂，高上贤明之士，先拣其砂，次调火候，在意消息，而成七返九还。且金石之中，至灵至圣，至神至明，而无过

于丹砂者也。怀袖致之一两，尚自辟去邪魔，况乎伏炼，入于五脏者哉，且如七返九还。异名而同体，返者是砂化为金，还者是金归于丹，经曰：返我乡，归我常，服之白日朝玉皇。或曰：七返者，是丹砂，属火变炼成金，便名为七返者乎。

论曰：火之成数是七，七度变转，以应阳元之极体也。且七度变转者，将丹砂伏炼得伏火后，鼓成白银，即是一返；将白银化出砂，令伏火鼓成黄花银，即是二返；将黄花银化出砂，伏火鼓成青金，即是三返；将青金变化出砂，伏火鼓成黄金，即是四返；将黄金化出红砂，伏火鼓成红金，即是五返；将红金还化出砂，伏火鼓成赤金，即是六返；将赤金复化为砂，伏火鼓成紫金，至紫金，即是七返灵砂之金，而含积阳，真元之精气足矣。而将紫金变化为砂，运火烧之一周，迥然通彻洞耀，名曰紫金还丹。得服之者，形神俱合，当日轻举。且世人多误取石硫黄，呼为太阳之至精，和汞而烧七返，且硫黄受孤阳偏石之气，汞又离于元和，二物俱偏，如何得成正真之宝，切见世人伏炼众多，终无成者，盖绿迷迷相传，至于后世，余甚哀之。只如第一返伏火丹砂，服饵一两，即去万病；服之二两，即须发青绿；服之三两，即颜悦色红；服之四两，即延年益寿。第二返药，服之一两，即体和神清，返老归童。第三返药，服之一两，即虚夷忘情，心合至精。第四返药，服之一两，即身体明彻，通于表里。第五返药，服之一两，入水不能溺，入火不能焦。第六返药，服之一两，即造化不能移，鬼神不能知。第七返药，服之一两，即超然于九天之上，逍遥乎宇宙之间。更服至红英九丹，便居金阙，功位真人，故知丹砂之力，昭然而可观乎。自余得其真旨，常欲周济为功，大道垂明，咸愿同归玄境，遂作灵砂七篇，金丹二章，并述火候次第，药物品次，篇数高下，列之于后章别品，以授贤明至诚，君子得